



106 505

QVÆSTIO MEDICA

QVODLIBETARIIS DISPUTATIONIBVS

MANE DISCVTIENDA

IN SCHOLIS MEDICORVM

Die Iovis 2. Decembris.

M. PETRO YVELIN, Regi ab interioribus
consiliis, Doctore & Primario Serenissimæ Aurelianen-
sium Ducissæ Medico, Moderatore.

Sunt-ne minùs certa virginitatis quàm conceptus signa?

I.

FEMINAM præclaris Naturæ dotibus exornatam atque insigni-
tam, ineffabili consilio prudentiâque inæstimabili solers atque in-
geniosa parens, *ὡς μόνον ἔνεκα τῆς ἀρετῆς ἀλλὰ καὶ κατανύξεως τῇ φύσει*, viro
addixit adjunxitque, tùm ipsis inſevit vim amoris ac procreandæ sobo-
lis aviditatem, additis illecebris mutuûque complexus appetitione, ut
cùm se inirent suaviter inter se affici mirisque modis deliniri continge-
ret, quò per propagationem posteritati consuleretur, speciesque, du-
plici, maris scilicet & feminæ, sexu distincta, in perpetuum feliciæ quæ ac-
gratâ individuorum substitutione conservaretur. Vtrique hunc in fi-
nem stupendo apparatu fictas atque elaboratas partes beneficentissimè
elargita est, quæ licèt *ἡ δὲ φύσις καὶ ἡ αἰσθησις* longè dissideant, incredibili
tamen concordia in illud pene divinum opus alacriter conspirant. In
quo sanè illius sagacitatem subit mirari, cùm enim ad proles educatio-
nem duo requirerentur principia, alterum quo spermaticæ partes
coalescerent, alterum quo carnosæ coagmentarentur, marem fervidio-
ri donavit temperie, fecundioris & uberioris seminis, à toto decidui,
supremo opifice, feminæ verò deferventem impertita est, quæ men-
A

struum sanguinem, etiam aliquâ agendi virtute pollentem, copiosius sineret aggregari unâ cum semine, quod licet virili longè sit imperfectius, non est tamen quod illud *ἰσχυρὸν τῷ μορίῳ μάλλον εἶναι ἢ γυνήϊ* pertinaciter asseveres; quasi verò uterum, partibus principibus jurè accensendum, tanquam conductitium offerrent feminæ, cui velut navi onerariæ suas merces inferrent viri, suamque sentinam deponerent. In plenâ autem jucundæ voluptatis conjunctione, statim concursu factò commixtum & confusum utrumque semen, non semper in uteri capacitate, sed & interdum in ejus apophysis retinetur, eò loci in actum ita jubente Naturâ mox erupturum: ut mas animal sit in alio, femina in seipso generans. Hâc arte eâque industriâ absoluta credas tria ad generationem requisita, sexuum distinctionem, utriusque concursum, & feminum, quæ decet *ὁμοπρόσθετον*, debitam effusionem. Concursum illum seu lascivientis Naturæ delicias ingens quædam voluptas consequitur, potentior tamen in seminis, virilis præsertim, excretionem, quod quia plurimo calore circumfluit, ideò marem in ipso congressu jucundius afficit, licet qui utrumque sexum fingitur expertus, longè majorem, dum feminam alternis ageret, acrioremque sub veneris vexillis catullitionem dicatur perlesuisse; & sanè cùm sua quemque voluptas trahat, in tam excellenti vix adhibetur modus, quî sit ut feminæ multæ, virgines admodum pauçæ, præsertim cùm inter tot & tantas illecebras voluptatum, etiam ferreas mentes libido edomet, quæ urgentiorem in virginibus patitur famem, dùm dulcius putat omne quodnescit.

I I.

ENIMVERO infinitis propè amorum illectamentis irritamentisque sequiori sexui ita solerter Natura adblandita est, nulla ut ferè sit mulier quæ posthabitis crudelibus nonimestris gestationis laboribus, matrîque adeò sæpe funestis partûs doloribus, in suavissimum viri congressum efflictim non depereat: undè facile colligere sit illam meritò prædicari debere virginem, eamque absconditam, quam nullus aut quæ nullum rogaverit. Sed heu quantum illud est *ἡδύπορον*! Etenim, formosa sit, citò adamatur: at tutum diù non est in quod rotius populi vota suspitant, illiusque tantò facilior est ruina, quanto vilior conditio, maximè si flos ætatis cum formâ nullâ partè non felice ad virium consentiat: Quod si fœda, facilè concupiscit, molestumque ipsi est possidere quod nemo habere dignetur. Interèa virginem tu quærîs, nec cessas acriter insequi? Cave nè pro thesauro carbones; nè tibi vel ocularissimo, parùm favente Deliâ, in partem veniat utero gerens, aut certè virgo quædam, violato Iove gamelio & generthio, rejicula, cujus, præter vocabulum nuptiarum, omnia sint matrimo-

507

3

nij; curiosum quem vis etiam quamlibet forti conjecturâ illam assequi conantem fallit ludique Natura, quæ continuâ generatione gestiens, ne virginitas in probrum verteretur, illius ulla nisi perobscura fermèque incerta dare indicia dedignata est, tantum abest ut per τὰ τεκμήρια seu τὰ τῆ τεχνῆς αὐτοπύθωνα in illius significationem datum sit descendere. Permagni tamen interest an συμῖα, aut τεκμήρια divinando quis usurpet, hæc quippe unum idemque necessariò ac perpetuò significant, manantque εἰς ἀκονέσις λογικῆς, illa neque necessariò nec semper, inde infida, ut potè uni addicta fortunæ, non Naturæ cognata, cujus contemplatione assiduus bonique nominis sequester Medicus adornat sibi in obscuris recognoscendis τεκμήριον, quod συμφορικὸν συμῖον (cui fidas) meritò dixeris. Signorum scilicet alia atque alia partes: παθητικὰ rerum formam & characterem expressiùs repræsentant: συνδροῦντα amicorum inimicarumque causarum, partiumque vires & discrimina aperiant: inspem metumque versa deferunt ἐπιτηδεύματα: mores ἐπιτηδεύματα exerunt in apertum: ἀναμνηστικά ad Naturæ vindicias tutelamque faciunt: Quò se tandem vertat alea περιτρώτικα portendunt, æqua singulis: Et quoniam παθητικὰ seorsim ut plurimum nulla, omnibus idèo certior magistra quæ ὑπὸ συνδρομῆς venit, non quidem empiricorum, quæ rusticior brutæ τυρώσεως vernula, sed dogmaticorum, eo titulo fide melior & dignior, quia Naturæ conjunctior, etiam ubi opertanea ejus sacra curiosus subire, venerisque Anadyomenes, procùl ab odiosa Aristodemi anatome, fidelis explorator, orgia revelare pergis, severus alioqui censor virginitatis, de brevi punctulo loqupleris uteri λειψύριον deprehensurus.

I I I.

C V M virginitas qualitas quædam sit naturalis resultans ex integritate vasorum muliebrium quamdiu à maris conjunctione illibata servantur, illa sanè sola quæ virum nesciit nec admisit, virginis insignibus jure meritò gaudere debet, ἀτάκτως illa planè, cujus claustra puerperij tantum non revelata, at coràm insolenti virginitatis erogatore oppellulatas virginis fores rigido ariete perfodere tentante, signata zonâque cincta permanserunt, verum si quis ejus mysteriis initiatus, primum hospes, obducta prætenso hymenis velo adyta penetraverit, agnosces ne illicò vestigia si premas? Ecce in antecessum, studiosa caducæ æternitatis Natura veneris annonam diù locis comprimi non sustinet, hujus pignori suum ipsa fundum propalam opponit in pubere virgunculâ, locorumque resolvit isthum mensruo exundantis sanguinis æstu, quem per ἀμώτντα vices resorbent sororiantes mammar, regia veneris, amorumque thalamus: Huic simul ac litave-

rit, in amore duces oculi, tum subtristes transfugæ produnt: carpitur dum carpit oris forma: definit videri, si mala legeris, *opbertib*: flos defloret: *pōs* papillarum obscuratur: vox deducta pro molli & liquidâ fit gravior; crassescit cervix. Cnidia veneri manum detrahas, arguent protinus subaratum geniali sulco, pubes compresso & incompósito vellere depressior: diducti oscitantique osculi liber & facilis hiatus: dispartatæ lacrymosæ Nympha: tùm demùm occisam amabili duello virginitalitatem antestabitur effusa lacero eugio gutta nuptialis; ut necesse non sit habere de pudicitia, solemnî sacramento, quæstionem, propinare aquam experimenti, rogam ascendere, ardens calcare ferrum, aut gagate, rnmicis lapathive floribus, portulacæ seminibus, aut personatæ foliis suffite.

I V.

VT conceptionis nunquam futuræ expedita regula est menstruo sanguini denegatus exitus, ita illius pro votis affuturæ certa spes affulget in periodicâ hujus secundum Naturæ decretum irruptione, modo præstò sint insuper & alia tam ex parte viri quàm feminae requisita, quibus proprium illud & peculiare uteri munus, etiam nullâ præviâ voluptate, atque inter menstrui injurias, ad opus finem perveniat. Scitum in viro, quò semen ejaculatorio quodam feratur impetu, rigidum & distentum desiderari pedem ex utro qui prominet: Distenditur quatuor muscutorum ope, qui non solum illum firmissimè contineant, nè in alterutram partem inclinet, sed & qui imminente coitu diducant dilatentque ductum urinæ & semini communem, donec uno conatu, qui sit spasmo similis, illud in agrum Naturæ effundatur. Neque tamen ante suum opus adimplebit ille, quàm nervosa, spongiosa, & cava quâ constat substantia sanguine & spiritu flatulento maxime turgat: tùm illi, eâ conducibili supellectile ita instructo, peragendis veneris sacris interessè licebit, si priùs rescierit, Deam, quamvis sæpè sit in furtis, odisse tamen mystam qui intestabilis litet; hinc procul exulet in longam licet securamque libidinem exsectus spado, neque enim absque testium operâ semen apprimè elaborari posse quisquam benè sanus in animo habuerit. Id rectâ in uteri cervicem, per quam tam vacuæ quàm prægnantes repurgantur, ejaculari postulat, tùm & attrahi, dùm ariete crebro non refrixerit libidinis fervor, insurèr exactè misceri cum muliebri, tùm demùm utrumque, mutuo consortio gaudens, fuscitari ab utero qui sit bonæ frugis, blando hujus tepore foveri, complexu conciliari hospitali: Inter hæc, mox addit se se muneri facultas formatrix genituræ, non animæ fœtantis aut fœtus. Verùm cùm prima ducuntur flamina, membranæ explicantur, finguntur viscera, vitales nili quoquo versum deducuntur, tantæ mo-

5
 379
 lis opus ne existimes sine arbitris nullis-ve internuntiis clandestinò
 geri; luculenta certè prostant ubique partium indicia, partium *ποικιλὰ*
 hoc titulo potiora, etsi nec omnibus eadem nec singulis, partium *τεχνικὰ*,
νικὰ, solertiâ & ingenio conjectoris, in fidem accedentia. Propitiam
 fuisse haud irrito conatu venerem, amantes admonent convenas sta-
 tim à coitu obsignatâ cervice sursum revocati uteri sinus, horridula
 commotio, vel etiam horroris expert inæqualitatis sensus, cibi fasti-
 dium, insolens *ἀψυχία*, peregrina appetentia, vomitus assiduus,
 pyelismus creber, tenebricosa vertigo, dolor capitis, *ὀρθασμοὶ ἐλαφύ-*
μενοι & *κινδύεσσι*, *ἐρῆσι δὲ τὸ ἀσθενέειν*, universi corporis, at lumborum
 præcipuè, gravitas & torpor, lotij stillicidium, quid plura? tange
 venas, consule matulam, adhibe *περιτρίεα* torminoso crudæ nullæ
 potu, ignoratum uterum deprehendes.

V.

VERVM TAMEN cùm optimis quibusque Medicis sæpè sæ-
 pius rerum similitudines parent officias, dubitandique causas
 jure necstat adeò breve veri falsique confinium, vix quidquam certi
 de virgine aut gravidâ statuere in integro est. Quando se sc̄tam hæc
 ignorat, illa, sive ut meretricio more sub nomine virginali vendibi-
 lius pereat, sive ut destinatum sibi sponsum ingeniosâ turpitudine fal-
 lat, fallit & olim creditam nullâ arte reparabilem pudicitiam: adeò
 malè tuta hymene, sæpè fabuloso, virginitas, quâ etiam violatâ, po-
 test ille, itâ ludente atque aberrante Naturâ, superstes, ipsismet per-
 spicacissimis, inquisitoris in ludibrium, illudere. Ad nativi calor:is
ἐκλάμψιν, ut ad orientem solem, hos ille illibatus se se interdum expli-
 cat, virginique tam crescit uterus quàm gravidæ mulieri, perit utri-
 que color, menses hærent, lactescunt mammæ, oculi decipiunt, voce
 marem torosâ cervice mentitur virago: ipsa quoque emeritis puerpe-
 rij stipendiis canum eugium fideliter repræsentabit tunc infidelis ma-
 trona, verâque & pura virginitas in causariis, gravis uteri suspicio-
 nem præ se feret, veneris quippe inexpertæ vacuus ille, totus in or-
 gasmi intemperiiis, validiùs subulstat quàm plenâ nave fortis *ἀοχαε-*
ζοντι fame percitus. At solis gravidis uterus probè moratus quàm ex-
 actissimè occluditur, iis tamen, sed momento tantùm, adaperiri cre-
 das, quas superfætandi impatientiâ denuò æstuentes insana utit libi-
 do. Calculum ergò si benè ponas, jndicia & signa invicem conferes &
 compones, non divides ad solidam fidem *τεχνάρεως*, in explorandâ
 virgine quàm sc̄tâ gravius aberrantis: illius nempè ut ferè Natura so-
 let indulgere peccatis, ac profigato parcere pudori, sic & dùm tota al-
 laborat hominis rudimentis, hanc seriò increpat nescientem, neu te-

nerum opus, errore vitæ, imprudens ^{ἐκποσις}, vel crudum partum improvisa atque inexpectata abortio corrumpat: etsi alioqui habere se utero maturiis atque exquisitiis sentiant, puræ, graciles, ^{ῥαπιδόμοι}, nec non integri sanguinis, seriis verò & obscuriis, ^{ῥασυρόμοις, ὁδὸν αἰνέουσι, ἀδυνατόμοις}, habitiores, rudiores ætatis tyrocinio, inde illæ stato conditæque die se parituras sciunt, his obrepit partitudo, diesque diffinditur.

Sunt ergò minus certa virginitatis quàm conceptus signa.

DOMINI DOCTORES DISPUTAVRI.

M. Franciscus de la Chambre,	M. Franciscus Landrien.	M. Philip. Harduyne
Consl. & Med. Reg. ord.		de Saint Jacques.
M. Alanus Lamy.	M. Antonius de Sarte.	M. Helias Beda des
		Fourgerais.
M. Claudius Quartier.	M. Daniel Arbinet.	M. Claud. Quiquebeuf.

Proponebat Lutetiæ CLAUDIVS GVERIN
Parisinus, A. R. S. H. M. DC. LXVI.

Ex Typographia FRANCISCI MUGUET, Regis ac
Illustriss. Archiepiscopi Paris. Typographi.